



QVÆSTIO MEDICA.

CARDINALITIIS DISPUTATIONIBUS
manè discutienda in Scholis Medicorum
die Jovis VIII. Aprilis.

M. MICHAËLE DE LA VIGNE,
Doctore Medico, Præside.

Est-ne Lac alimentum optimum?

I.

EX omnibus Naturæ bonis, quæ à Deo optimo maximo Homini viventium omnium principi ad vitam tuendam data sunt, nullum magis, votis omnibus expetitur quam Sanitas, integra illa quidem & inculpata, quæ, ut diuturnioris, ita & beatioris vitæ, author merito dici potest: Ea quippe in optimâ partium similarium temperie, atque in legitimâ dissimilarium confor-

matione consistit, ut & in intima partium omnium unione & consensione, ex quibus firma valetudo constituitur, eaque duratura, si natura corporis perpetua foret & æterna.

II.

NATURAM corporis humani diversimodè immutari nullus Mortalium negat, quæ quidem ex variis Elementis conflata, mutationi maxime obnoxia est, fit autem illa, dum calor natus in substantiam aëream seu spirituofam, liquidam ac solidam agit, eamque depascitur ac resoluit, nisi in locum effluentis substantiæ reponatur alia similis respirationis & nutritionis beneficio, quarum illa attracto aëre, spirituofam, hæc cibis assumptis liquidam ac solidam restaurat.

III.

REPARATIO autem illa quæ nutritione perficitur, in alimentis potissimum consistit, quorum virtus precipua posita est in temperie & consistentiâ; at temperies temperata, & moderata consistentia in alimentis eligi debet vel quæ proximè ad eas accedit, ut nostræ substantiæ simillima. Unde alimentum illud ὑγιεινότερον censetur & optimum, quod natura sua temperatum est ac mediocris consistentiæ ut pote εὐχρημον, εὐπρεπτον,

βιανὰδον, Δικαίλιον ac proinde naturæ nostræ magis familiare & amicum; è contra hoc improbatum & damnatur quod contrarias habet vires, alendis partibus minus idoneas.

IV.

LAC, ros ille vitalis, cibisque suavissimus, varium ac multiplex occurrit pro vario animalium genere ex quibus mulgetur. Lac mulieris sanæ, junioris, ac temperatæ primas tenet, quod infantibus ac pueris convenit, ut & Vaccinum adultis: verum illud recens non vetustum, in primis qualitatibus temperatum mediæ consistentiæ, album ac dulce eligitur, quod laudabilem succum suppeditat, belle coquitur distribuitur & secedit.

V.

HISCE dotibus præditum Lac alimentis optimis merito adscribitur, cave tamen, ne pravo usu damnum afferat γαλακτοπόσι, iis maximè quibus aut bilis effera aut humor Melancholicus supra modum assatus redundant, illis siquidem innocuus esse non potest lactis usus, cum hic & ille humor pravis suis qualitatibus, optimum quodque corrumpant. Suis etiam non caret incommodis Lac, quod aut ὀξύνεται aut κρισσεται: sed hæc mala quæ emendari & corrigi possunt, non refor-

midant τὰ βέλτερά τε ἔ' ὑγιεινὰ σώματα, qua ratione
temperatis naturis ac belle habentibus Lac pro cibo
datur, estque illis alimentum optimum.

Est ergo Lac alimentum optimum.

Proponēbat Parisiis PETRUS GAMARE, Parisinus,
Baccalaureus Medicus. A. R. S. H. 1683.

Apud Franc. Muguet, Regis & Facultatis Medicinæ Typographum.